

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0056463 24
Zenica, 07.03.2025. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka i), člana 241. stav 1. ZKP-a F BiH, p o d i ž e m

O P T U Ź N I C U

Protiv:

S. L., osuđivan više puta u vremenskom periodu od 2003.-2018. godine za krivična djela iz člana 373., 371., 183., 239., 177., 362., 328., KZ F BiH, 224. stav 2. , 377. stav 1., KZ RS,

što je:

dana 01.12.2023. godine, oko 20,00 sati, na području općine T., upravljajući putničkim motornim vozilom marke „Renault Megan“ reg. oznaka ..., krećući se magistralnim putem M-4 Doboj- Teslić, motornim vozilom upravljao suprotno odredbama člana 36. stav 1. i člana 174. stav 2. u vezi sa stavom 1. Zakona o osnovama bezbjednosti saobraćaja na putevima BiH, vozeći u uslovima noćne vožnje i u pijanom stanju sa koncentracijom od 1,63 ‰ (promila) alkohola u krvi, kada su njegove vozačke sposobnosti bile smanjene i bio očito nesposoban za sigurno upravljanje motornim vozilom, svjestan da grubim kršenjem saobraćajnih propisa može dovesti u opasnost život ljudi i imovinu većeg opsega, na što je pristao, krećući se magistralnim putem iz pravca mjesta T. prema Doboju, otpočeo radnju preticanja više vozila, između ostalog i vozila marke „VW Passat“ registarskih oznaka ..., kojim je upravljao A. A., a da se prethodno nije uvjerio da to može učiniti bez opasnosti za druge učesnike u saobraćaju i imovinu vodeći pri tome računa o položaju vozila i pravcu i brzini kretanja, pa kada je svojim vozilom prešao u saobraćajnu traku namijenjenu za kretanje vozila iz suprotnog smjera, u namjeri da izbjegne kontakt sa vozilom koje je dolazilo iz suprotnog smjera, svoje vozilo pomjerio u desno i tom prilikom prednjom desnom stranom svog vozila ostvario kontakt sa bočnom lijevom stranom motornog vozila „VW Passat“ kojeg je preticao, a zatim prednjom lijevom stranom svog vozila marke „Renault Megan“ udario u prednju lijevu stranu vozila „Audi A4“ registarskih oznaka ..., kojim je upravljao H. S., a koji se kretao iz smjera Doboja u pravcu Teslića svojom saobraćajnom trakom i time tako ugrozio bezbjednost javnog saobraćaja, uslijed čega je suvozač u vozilu marke „Renault Megan“ A. I. zadobila teške tjelesne ozljede u vidu sabijajućeg prijeloma četvrtog slabinskog kralješka sa prijelomom bočnih nastavaka četvrtog i petog slabinskog kralješka, dok su lahke tjelesne ozljede zadobili vozač pmv marke „VW Passat“ A. A. u predjelu glave i vrata, saputnica u navedenom vozilu A. F. u predjelu glave, vozač pmv marke „Audi A4“ H. S. u predjelu glave i vrata i saputnici u navedenom vozilu H. V. u predjelu glave i M. T. u predjelu lijeve noge, lijevog stopala, lijevog koljena, desnog kuka, vrata i u predjelu trbušne regije, konstatovane u Općoj bolnici Tešanj,

dakle, kao učesnik u prometu na putevima koji se ne pridržava prometnih propisa, time tako ugrozio javni promet, da je doveo u opasnost živote ljudi, pa je zbog toga prouzrokovao tešku tjelesnu ozljedu jedne osobe,

čime bi učinio krivično djelo Teška krivična djela protiv sigurnosti javnog prometa iz člana 336. stav 1. u vezi sa članom 333. stav 1. KZ F BiH.